



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCCXIII. Markgraf Hermann von Brandenburg ratificirt den von Walther
von Barbi wegen des Schlosses Waldenfels mit dem Kloster Georgenthal
abgeschlossenen Vergleich, am 6. April 1302.

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

litate condicionis humane memoria humana fit labilis et uita breuis, expedit ut ea, que aguntur debite et debent memorie commendari, litterarum serie et fidelium testimonio roborentur. Recognoscimus igitur presentibus publice protestantes, Quod Vir honorabilis, frater Vlricus, swaf dictus, Commendator domorum ordinis Hospitalis Sancti Johannis jherosolymitani in Brunswich, Nemerow et Gardow, familiaris nobis specialis et dilectus, nobis veraciter exposuit, quod Vir Nobilis dominus Henricus Magnopolensis Inclitus, fororius noster dilectus, Jus patronatus ecclesie parrochialis ciuitatis Lychen dicto domo seu fratribus ordinis sancti Johannis predicti propter deum dedit perpetuis temporibus possidendum. Et quia dictus noster fororius dominus Henricus Magnopolensis terram et Ciuitatem Lychen predictam a nobis tenet in feodo, idem frater Vlricus Swaf, volens sibi et suo ordini predicto sinistra velud sapiens dubia precauere, donacionem ipsam a nobis peciit confirmari. Cuius precibus inclinati ad laudem dei omnipotentis eiusque matris Marie virginis perpetue ac sancti Johannis, Ad salutem quoque animarum, nostre uidelicet ac patris nostri et patrum aliorumque progenitorum et successorum nostrorum, dictam donacionem dicti nostri fororii, si facta est debite, presentibus confirmamus. Et si dicta ciuitas Lychen ad nos processu temporis deuoluta fuerit, donacionem ipsam gratam tenebimus atque ratam. In cuius Rei testimonium sigillum nostrum presentibus est appensum. Testes quoque huius sunt Gheuehardus senior de aluensleue, Ludewicus de wantfleue, Boldewinus stormer, et Droyseko tunc Curie dapifer, Et plures alii fide digni. Datum Spandow, Anno domini Millesimo tricentesimo secundo, Vigilia annunciacionis, per manum Conradi.

Nach dem Originale des Geh. Kabinet-Archives, Joh.-Ord. Kiste IX, Nr. 40.

CCCXIII. Markgraf Hermann von Brandenburg ratificirt den von Walther von Barbien wegen des Schlosses Waldensfels mit dem Kloster Georgenthal abgeschlossenen Vergleich, am 6. April 1302.

Quoniam per temporum successiones sepius fidelium actiones in obliuionis decurrunt precipitium, expedit res perpetuitatis robur habituras scriptis autenticis roborari. Inde est, quod nos Hermannus, Dei gratia Marchio Brandenburgensis, omnibus tam presentibus quam futuris hoc scriptum uisuris, lecturis seu audituris notum esse volumus publice protestantes, Quod cum pro castro dicto Waldensfels, quod ex relatione quorundam olim ad terram Franconie pertinuisse didicimus, Ecclesiam Vallis S. Georgii et eius incolas impeteremus, mediante Walthero dicto de Barbey, nostro fideli, amicabilem inter nos est habita compositio in hunc modum, quod abbas et fratres predicti cenobii nobis sexaginta marcas examinati argenti dederunt, quas prefato Walthero de Barbey nostra ex parte et nostro nomine presentarunt, propter quod omni iuri, quod in prenominato castro scilicet Waldensfels aut in omnibus eius possessionibus habuimus siue nobis competebat, libere per presentes renuntiamus, dantes ipsum castrum et jus proprietatis ipsius castri cum omnibus suis

pertinenciis, videlicet: nemoribus, siluis, arbutis, villis, campis, pratis, pascuis, agris cultis et incultis, viis et inuis, aquis, aquarum decursibus, piscaturis, questis et inquirendis et ceteris omnibus aliis interesse eidem castro ubicunque sitis ab antiquo attinentibus, ecclesie prescripte Vallis S. Georgii et fratribus ibidem Deo seruiantibus iugiter possidendum. Super quo presentem erogauius litteram, sigilli nostri impressione firmiter communitam. Testes huius rei sunt Walterus de Barbey predictus, Gotfridus de Lapide, Cunradus et Albertus fratres de Heffberg, Albertus de Bartdorff, Sinderamus, milites: Otto de Kunigshouen aduocatus in Smalkalden et Henricus de Antricheim eius ibidem et alii quam plures fide digni. Datum Anno Domini M. CCC. secundo, VIII. Idus Aprilis, Indict. XV.

Aus dem Gothaischen Kirchen- und Schulensaat III, V, 40—41. In der Thuringia sacra p. 532 sind, außer der obigen, noch zwei Verzichturkunden des Markgrafen Hermann auf das Schloß Waldensfels angeführt, deren nähere Kenntniß uns mangelt, nämlich:

„Hermannus, dei Gratia Brandenburgensis Marchio et Dominus de Henneberg, — Actum et datum per manum Domini Conradi nostri Notarii, Anno Domini Millefimo Trecentesimo secundo in octaua Pasce.“

so wie eine Urkunde von demselben Tage et. Nr. CXL und CXLII daselbst.

CCCXIV. König Albrechts Schreiben an den Markgrafen Otto von Brandenburg und die Herzöge von Braunschweig, als Handhaber des Landfriedens in Sachsen, wegen der von dem Grafen von Wernigerode bei Goslar angelegten Burgveste, vom 11. Juli 1302.

Albertus, Dei gracia Romanorum rex, semper augustus, illustribus O. marchioni Brandenburgensi, H. et Alb. ducibus Brunsvicensibus, O. duci de Brunswig et de Lunenburg, principibus ac universis pacis generalis iuratis in Saxonia, fidelibus suis dilectis, gratiam suam et omne bonum. Ad noticiam serenitatis nostre insinuacione querulosa pervenit, quod viri nobiles Alb. et Frid. comites de Werningherode, in generalis iurate pacis dispendium, quoddam castrum prope civitatem nostram Goslariensem in fundo alieno de novo erexerunt et fundarunt, quod cum eidem civitati Goslariensi, ac viis regii, prout intelleximus, impedimenta possit et incommoda generare, sinceritati vestre duximus committendum, quatinus circa dictum castrum, quicquid tranquillitati terre et bono communi expedire videritis, faciatis; caventes ne occasione castri ejusdem oriatur turbatio patrie sive pacis. Datum in Eflingen, V. Idus Julii, regni nostri anno quarto.

Nach Sahn, Collectio Monumentorum T. I. 266.